

湛然居士文集

第六冊  
卷十二至十四

湛然居士文集卷之十二目次

琴道喻五十韻以勉忘憂進道

彈琴逾時作解嘲以呈萬松老師

勉景賢 和潤之

劉潤之作詩有厭琴之句因和之

懷古一百韻寄張敏之

示忘憂 和旭公三絕

再和世榮二十韻寄薛玄之

和蘭仲文二十六韻

又和仲文二首



用曹楨韻

怨浩然

從國才索閑、煎茶賦

贈高善長一百韻

再贖仲祥韻寄之

寄金城士大夫

誠之索倡

遺姪叔卿香方偈

為子鑄作詩三十韻

目次畢

湛然居士文集卷之十二

元 耶律楚材 晉卿 撰

琴道喻五十韻以勉忘憂進道 并序

余幼而喜佛蓋天性也壯而涉獵佛書  
稍有所得頗自矜大又癖於琴因檢閱  
舊譜自彈數十曲似是而非也後見琴  
士弭大用悉棄舊學再變新意方悟佛  
書之理未盡遂謁萬松老人旦夕不輟  
叩恭者且三年始蒙見許是知聖諦第  
一義諦不在言傳明矣適因忘憂學鼓

琴未期月稍成節奏又知學道之方在  
君子之自強耳故作琴道喻述得旨之  
由勉子進道之漸云

昔我學鼓琴豪氣凌青天輕笑此小技何必師  
成連寶架翻舊譜對譜尋冰絃自彈數十弄以  
為無差肩有客來勸予因舉莊生篇時君方誦  
書輪扁居其前釋椎而入請何故讀殘編上古  
已久矣不得見聖賢遺書糟粕餘與道雲泥懸  
臣年七十秋髮如垂綿斷輪固小巧、性非  
方圓心手兩相應不能語子焉是知聖人道安

得形言詮至今千載間此論不可遷琴書紙上  
語妙趣焉能傳不學妄穿鑿是為誰之愆今方  
謁拜君服膺乃拳、相對授指訣初請敬水仙  
吟猱不踰矩節奏能平、起伏與神會態狀如  
雲烟朝夕從之遊琴事得大全小藝尚如此大  
道寧不然當年嗜佛書經論窮疏箋公案助談  
柄賣弄猾頭禪一遇萬松師駕駘蒙策鞭委身  
事洒掃樞衣且三年圓教攝萬法始覺擔板偏  
回視平昔學尚未及埃消漸能入堂奧稍、窮  
高堅疑團一旦碎桶底七八穿洪爐片雪飛石

上裁白蓮佛祖立下風俯視威音先忘憂西域  
時師我求真筌經今十五春進退猶遷延望涯  
自退縮甘心嗟無緣將求無價寶未肯酬一錢  
未啓半簣土欲酌九仞泉美玉付良工良工得  
雕鐫良金不受冶徒費爐鑪聞君近好琴停  
燭夜不眠彈之未期月曲調能相連君初未彈  
時曾不知勾蠲學道亦如此惟患無精專誰無  
摩尼珠誰無般若船立志勿猶豫叩恭宜勉旃  
他時大徹悟沛然如決川毛端吞巨海芥子含  
大千瞬息一世過生死相縈纏此生不得覺曠

劫徒悲煎吾言真藥石療子沉疴痊

彈琴逾時作解嘲以呈萬松老師

一曲悲風歷指寒昔年曾奉萬松軒本嫌浮脆  
刪吟抑為愛軒昂交撞敷高趣釀成真有味煩  
襟洗盡了無痕禪人若道聲塵妄孤負觀音正  
法門

勉景賢

昨日景賢坐間屢稱東坡真人中之龍  
也若慕其才而果其志採其華而棄其  
實又何益于事哉因作偈以勉之云

既慕東坡才當如東坡志君才如東坡其志未  
相似詩似東坡詩字如東坡字胡不學東坡且  
學長不死

劉潤之館于忘憂門下作述懷詩有弟子  
二三同會食誰曾開口問先生之句余  
感而和之

從來重士還相重到底輕人却自輕醴廢翻然  
便歸去至今高尚穆先生

劉潤之作詩有厭琴之句因和之

學士既歸夫子道吾儒宜識仲尼心當年刪出

詩三百時復弦歌不廢琴

懷古一百韻寄張敏之

興亡千古事勝負一枰碁感恨空興歎悲吟乃  
賦詩三皇崇道德五帝重仁慈禮廢三王謝權  
興五伯滄焚書嫌孔孟峻法用高斯政出人思  
亂身亡國亦隨阿房脩象魏徐福覓靈芝偶語  
真虛禁長城信謾為只知秦失鹿不覺楚亡騅  
約法三章日恩垂四百基漢興學校啓文作典  
章施贖武疲中夏窮兵攘四夷嗣君恩稍失劉  
氏德難衰新室雖興難真人已御期魏吳將奮

起靈獻自荒嬉賊子權移漢奸臣鳩築郿三朝  
如鼎峙四海若焚絲纜奉山陽主已生司馬師  
仲謀服孟德葛亮倍曹丕惟晉成獨統平吳混  
八維有初終鮮克居治亂誰思蟬鬣充蘭掖羊  
車逸竹岐孫謀無遠慮神器委癡兒國事歸椒  
室民飢詢肉糜為人昧菽麥聞螟<sub>蟊</sub>問官私衛灌  
嘗幾諫何曾已預知五胡雲擾攘六代電奔馳  
川谷流腥血郊原厭積屍天光分曜日地里裂  
瓜時曆數當歸李驅除暫假隋西陸開鄴善東  
鄙討高麗鷲駕如江國龍舟泛汴濟錦帆遮水

面粉浪汚河湄府藏金帛積生靈氣力疲盜賊  
天下起章奏禁中欺海內空龍戰河東有鳳姿  
元戎展鷹犬頡利助熊羆奉表遵朝命尊王建  
義旗經營于盜手禪讓托君辭豪哲歸吾穀要  
荒入我羈太宗真令主貞觀有皇規正美開元  
治俄成天寶悲曲江還故里林甫領台司裂土  
封三國纏頭愛八姨霓裳猶未罷鼙鼓恨來遲  
逆寇陵丹闕君王捨翠眉兩京賊黨滅方鎮重  
權移朱李元堪歎石劉亦可嗤九州重構亂五  
代荐荒飢遼宋分南北翁孫謀禮儀昔宋事遼  
為元仍請

隨代以序昭穆至季宣和風侈靡教主德庸卑

年遠為翁宋為孫背約絕隣好興師借寇資懸知喪唇齒何事撤

藩籬失地人皆怨蒙塵悔可追遼家遵漢制孔

教祖宣尼煥若文章備康哉政事熙朝廷嚴袞

冕郊廟奏墳麓校獵温馳射行營習正奇南州

走玉帛諸國畏鞭笞天祚驕人上朝鮮叛海涯

未終三百祀不免一朝危鴨綠金朝起鴨綠江武元起

義之桑乾玉璽移金兵逼京師天祚西狩遺傳

獲後遼興大石西域統龜茲萬里威聲震百年

名教垂大石林牙遼之宗臣挈眾而亡不滿二

十年克西域數十國幅負數萬里傳數

主凡百餘年頗尚文教西武元平宋地殷禮雜

域至今思之廟號德宗宗姬金謂箕子之治國崇文事拔賢尚賦詞邦

昌君洛汭劉豫立青淄大定民興詠明昌物適

宜日中頌景昊月滿心光虧肘腋獨夫難立墟

七廟隳北朝天輔佑南國俗瘡痍天子潛巡狩

宗臣嚴守陴山西盡荆枳河朔半豺豕食盡謀

安出兵羸力不支長圍重數匝久困再周暮太

液生秋草姑蘇遊野麋忠臣全死節餘眾入降

麾文献生三子東丹第八枝虛名如畫餅遺業

學為箕自笑蓬垂髻誰怜雪滿髭撫膺長感慨

搔首幾嗟咨車蓋知何處衣冠問阿誰自天明  
下詔我知素通著發軔裝琴劍登車執策綏穹  
廬或白黑驛騎半黃馵肥鬻白如瓠瓊漿甘似  
飴天山連北府天山之北唐北庭都護府在焉瀚海過西伊州  
伊州之西北有瀚海又謂之西州天馬窮渤海神兵過月氏感  
恩承聖勅寄住到尋思尋思度西域城名西人云尋思度西域城也通謂之春色多紅樹秋波搃綠陂有園必成趣肥城  
多有方不須餘酒飲隨分有驢騎畎畝棲禾粟池園沼園林足果梨春粳光璨玉煮餅滑流匙聖祖方  
輕舉明君應樂推龍庭陳大祀原廟獻明粢萬

國朝金陛千官列玉墀求賢為輔弼舉我忝丞  
疑才德真為慙顛危不解持願從麋鹿性豈戀  
鳳凰池投老誰為伴黃山有敏之

示忘憂并序

余作懷古詩百韵非徒作已使世之人  
知成敗之可鑑出世之人識興廢之不  
常也因作偈以見意云

歷代興亡數張紙十年勝負一盤碁因而識破  
人間夢始信空門一着奇

和金城寶宮旭公禪師三絕

知公已得夜明符任運騰：無所拘見說金城  
多長者有人青眼待君無  
南北東西搃一家纔生擬議便生瑕人：錯認  
髯居士只有禪師不眼華  
旭老今年雖也無糞堆却得舊明珠宵廬半夜  
無燈燭請盡平安一紙書

再和世榮二十韻寄薛玄之

余嘗和李世榮律詩二十韻薛玄之和  
元韻見寄以求拙語因再和之

尚記承平日為學體自強經書興我志功業逼

人忙勢窟長思震葵心本慕陽蛟龍初得兩日  
月近依光事主心無隱遭時策建長引君當正  
道陳事上封章亦既尊仁義胡為失毅剛箴規  
盡忠赤人物敢雌黃斷似南山定言令北斗昂  
勸君師魏鄭嫉惡法張綱青眼蒙高碩白眉忝  
最良誰知天有數不覺漢亡疆人笑段干木誰  
師田子方上蒼垂大命天闕冊明王殷室君雖  
滅仁人道未亡南州遠煙水北海幾星霜仁政  
時將治明君國寢昌卿雲知有慶嘉穀又呈祥  
名遂宜思退机危乃自戕歸與今好賦聞道故

園荒

蘭仲文寄詩二十六韻勉和以謝之

我愛仲文公敦純有古風科名擢乙選制策肯  
宸衷作事能謀始為人克有終養如郗軻聲氣  
成自仲尼鎔致主忠誠懇容人便腹空一朝掩  
驥足百里試鳩功牛刀聊施割囊錐已脫鋒屯  
方雷雨動泰未地天通聚散悲歡裡興亡夢寐  
中勢傾秦失鹿奸殞鯨為熊不學東方朔誰徵  
皇甫嵩洛陽傳白傅江夏譽黃童上國平諸域  
輿情達四聰百司將布置多士想登庸未識荆

州面徒思衛玠容中原期混一天子訪英雄嘉  
運人皆幸亨時君又逢汚俗風已變明主德方  
隆施雨皇恩布如流直諫從凱元咸戮力稷契  
各言忠我愧凡庸士恩霑造化工兵氛箕尾沒  
劍氣斗牛衝西華將歸馬南陽莫卧龍孝廉為  
選舉仁義作幘幪歷運千年合衣冠萬國同草  
儀獨有子行待泰山封

又

仲文才筆冠人間工部壇前第一班世上久無  
孔北海雲中誰識謝東山忘懷詩酒醒還醉適

意琴書樂且閑野有遺賢猶未用中書寧得不  
胡顏

又

室中忝預萬松籌脫得中間與兩頭反覆人心  
厭殷室咄嗟天下屬宗周直須勇退中書事未  
肯榮貪留侯國收拾綸竿與蓑笠華亭却覓舊  
漁舟

用曹楨韻

楨金城人字幹臣始冠上詩于  
我文采可觀因和元韻以勉後

征南都護得旋旆平北將軍已罷師寰海謳歌

進云

歸大舜明堂鐘鼓奏咸池咸陽父老傾心日魯  
國書生得志時收拾琴書歸我去朝廷人物有

臯夔

怨浩然

韓浩然嘗以詩許昇元寶器玉澗鳴泉  
二琴予已有謝詩今得書以玉澗遺周  
漢臣藏昇元而托以他辭因用浩然新

韻以怨之

漢臣小字六和予嘗  
戲呼為六和居士

先難後易真交契醉許醒違蓋世情玉澗白翰  
六居士昇元烏有一先生昔蒙佳句誠歡忭今

得芳緘且歎驚一入侯門深似海騷人空夢帳  
中聲昇元寶器亦  
名帳中寶

從國才索閱、煎茶賦

聞國才近得閑、手書煎茶賦以詩索  
之

聞君久得煎茶賦故我先吟投李詩為報君侯  
休吝惜照人瓊玖算多時

贈高善長一百韻

高善長本書生也屢入御闈而不捷乃  
翻然醫隱悉究難素之學後進咸師法

焉與龍崗居士善尤長于詩而酷愛予  
之拙語蓋自厭家鷄耳因漫成俚語一  
百韻以贈之

君本遼陽人居華表傍隨任來燕然卜築金  
臺坊幼蒙父兄訓讀書登上庠大義治三傳左  
氏為紀綱詩書究微理易道宗京房史學亦精  
妙議論如馨香行道有餘力下筆能詩章典雅  
繼李杜浮華笑陳梁當年闢科舉郡國求圭璋  
御園屢不接在前饒批糠先生乃醫隱退身慕  
義皇難素透玄旨鍼砭能起彊可並華扁跡可

聯和緩芳門生皆良醫西海高名揚昔我知君  
名方且王事忙兵塵隔東西忽成參與商君初  
涉洛瀍我已達燉煌瀚海浪奔激金山路徬徨  
西遊幾萬里兩鬢今蒼、西方好風土大率無  
蚕桑家、植木綿是為墮種羊年、早作魁未  
識舞鷓鴣決水溉田圃無歲無豐穰遠近無飢  
人四野棲餘糧是以農家慶、皆池塘飛泉  
遶曲水亦可斟流觴早春而晚秋河中類餘杭  
濯足或濯纓肥水如滄浪雜花間側柏園林如  
綉粧爛醉蒲萄酒渴飲石榴漿隨分有絃管巷

陌雜優倡佳人多碧髻皎、白衣裳市井安丘  
墳畎畝連城隍貨錢無孔郭賣餅稱斤量甘瓜

如馬首大者狐可藏採杏兼食核西方杏人皆

如芭攬如芭食瓜悉去穰西瓜大如鼎半枚已滿筐芭

攬賤如棗可愛白沙糖人生為口腹何必思吾

鄉一任十餘年物我皆相忘神祖上仙去聖主

登明堂駟騎徵我歸忝位居巖廊河表寒舊盟

鄰秦成戰場翠華乃南渡鸞馭聲鏘、六軍臨

孟津偏師出太行間路入斜谷南鄙侵壽唐犄

角皆受敵應戰實未遑一旦汴梁破何足倚金

湯下詔求名醫先生隱藥囊馳軺來北闕失措  
空倉惶我于羣鷄中忽見孤鳳凰下馬執君手  
涕淚其如滂我歎白頭翁君亦嗟髯即停燈話  
舊事談笑吐肺腸酬酢覓佳句沉思搜微茫湛  
然訪醫藥預備庸何妨高君畧啓口確論聞未  
嘗醫術與治道二者元一方武事類藥石文事  
如膏梁膏梁日日用藥石藏中箱一朝有急病  
藥石施鋒鏑病愈速藏藥膏梁復如常緩急冠  
難作大劔須長槍冠止兵弗戢自焚必不長發  
表勿攻裡治內無外傷朝廷有內亂安可搖邊  
疆、場或警急中變決自戕陰病陽脉生陽証  
陰脉亡暴法譬之陰仁政喻之陽太平雖日久  
恣暴降百殃大亂遍天下行仁降百祥一君必  
二臣佐使仍參詳不殊世間事烝民無二王國  
老似甘州良將比大黃一緩輔一急一柔濟一  
剛病來不速治安居養豺狼疾作倘無藥遇水  
乏舟航病固有寒熱藥性分溫涼療熱用連蘗  
理寒宜桂薑君子與小人礼刑令相當虛者補  
其羸寔者瀉其強扶衰食枸杞破血服檳榔抑  
高舉其下天道猶弓張損餘補不足貧富無低

昂寒多成冷瘡熱盛為瘡瘍政猛民傷殘政慢  
賊猖狂保生必求源胃府為太倉四時胃為主  
端居鎮中央朝廷天下本、固邦家昌實、而  
虛、其謀原不減五行不偏勝所以壽而康太  
宗平府兵是致威要荒未病宜預治未亂宜預  
防賊臣弑君父禍難生蕭牆辨之由不早即漸  
成堅霜心腹尚難治向後及膏肓湛然聞此語  
不覺興胡床謝君贈誨言苦口如藥良問一而  
得二和璧并夜光走筆書新詩一笑呈龍崗

再賡仲祥韵寄之

金城薛玄之用李世榮舊韵寄詩于予  
索拙語已和寄忽思冰岩再賡仲祥元  
韵以寄之

能談仁義兵經傳宗素臣字畫如閑、句法如  
之純淡然與世疎渭水獨垂綸蒿萊塞庭除塵  
土霑衣紳婦我夫子門三月無違仁後生來從  
學善誘能循、顏巷不敢樂范甑長生塵仰不  
愧于天府不忤于人進德方乾、慎行而脩身  
旅食秦晉間騎驢三十春珠玉炙人口麗藻嘉  
彬、今年又絕粮生涯如在陳歌詠猶不輟真

為葛天民新詩過子卿離騷齊靈均亡机天壤  
間舉措皆天真濯足滄浪中鷗鷺來相親胸中  
萬卷書下筆端如神素負經濟才人品伊臯倫  
桂林祇一枝亦何慚都詵

寄金城士大夫

遠間金城學齋絕糧因奉粟十斛助糞  
鹽之資故作小詩以勵本土學士大夫  
金城人士本多奇何事庠宮久蔑資周急無輕  
五秉粟傷時因寄一篇詩  
誠之索偈

誠之久待萬松師何事十年下手遲劫火光中  
須退步青春寧有再來時

遺姪淑卿香方偈

姪淑卿疾作索安息香于予欲辟邪也  
將謂汝是箇中人猶有這箇在因作香  
方偈以遺之

我有一香，秘之不敢說心生種，法生心滅  
種，法滅退身一念未生前此是真香太奇絕  
邪神惡鬼永沉蹤外道天魔皆胸裂

為子鑄作詩三十韻

乙未為子鑄壽作是詩以遺之鑄方年  
十有五也

皇祖遼太祖奕世功德積鬱弓三百鈞天威  
萬國一旦義旗舉中原如捲席東鄙收勾麗西  
南窮九譯古器獲軒鼎神寶得和璧南陬稱子  
孫皇業幾三百赫、東丹王讓位如夷伯藏書  
萬卷堂丹青成畫癖四世皆太師名德超今昔  
我祖建四節功烈光黃閣先考文獻公弱冠已  
卓立學業飽典墳創作乙未曆入仕三十年廟  
堂為柱石重義而疎財後世遺清白我受先人  
體兢、常業、十三學詩書二十應制策禪理  
窮畢竟方年二十七萬里渡流沙十霜泊西域  
自愧無才術忝位人臣極未能扶顛危虛名徒  
伴食汝方志學年寸陰真可惜汝、進仁義不  
可為無益經史宜勉旃慎毋耽博奕深思識言  
行每戒迷聲色德業時乾、自強當不息幼歲  
侍皇儲且作春宮客一旦衝青天翱翔騰六翮  
儒術勿疎廢祖道宜薰炙汝父不足學汝祖真  
宜式酌酒壽汝年五福自天錫

湛然居士文集卷之十二終

湛然居士文集卷之十三  
目次

楞嚴外解序

心經宗說後序

糠孽教民十無益論序

釋氏新聞序

屏山金剛經別解序

書金剛經別解後

賈非熊修夫子廟疏

永安寺請予為功德主疏

請旭公住寶宮寺疏

請文公住玉山開堂出世疏

請嚴菴主任東堂出世疏

請希菴主任晉祠奉聖寺開堂疏

請學菴主任翠微山寶林寺開堂出世疏

請石州海秀首座住文水壽寧寺疏

太原山開化寺請予為功德主因作疏

重修宣聖廟疏

燕京大萬壽寺化水陸疏

請奧公禪師開堂疏五首

請湘公住持興教寺疏

請東林老人住雲巖寺疏

請栢巖儼公疏

祁州重修宣聖廟疏

安慶織萬佛疏

請聰公和尚住山陰縣復宿山疏

題萬壽寺碑陰

和公大禪師塔記

萬壽寺創建厨室上梁文六首

茶榜

約善長和詩戰書

寄萬老人書

萬松老人萬壽語錄序

祭姪女淑卿文

和林城建行宮上梁文六首

為武州摩訶院創建佛牙塔疏

卷十三目次畢

湛然居士文集卷之十三

元 耶律 楚材 晋卿著

楞嚴外解序

昔洪覺範有言天台智者禪師聞天竺有首楞嚴經旦暮西向拜祝願此經早來東土續佛慧命竟不得一見今板鬻遍天下有終身不聞其名者因起法輕信劣之嘆若夫徵心辨見證悟窮魔明三界之根深七趣之本原始要終廣大悉備與禪理相為表裡雖具眼衲僧不可不熟繹之也余故人屏山居士牽引易論語孟子老

氏莊列之書與此經相合者輯成一編謂之外  
解寔漸請吾儒不信佛書者之餅也吾儒中喜  
佛乘者固亦多矣其全信者鮮焉或信其理而  
棄其事者或信其理事而破其因果者或信經  
論而誣其神通者或鄙其持經或訛其建寺塵  
沙之世界以為迂濶之言成壞之劫波反疑駕  
馭之說亦何異信吾夫子之仁義詆其禮樂取  
吾夫子之政事舍其文學者耶或有攘竊相似  
之語以為皆出于吾書中何必讀經然後為佛  
此輩尤可笑也且竊人之財猶為竊况竊人之

道乎我屏山則不然深究其理不廢其事其于  
因果也則舉作善降祥之文引羊祜鮑靚之事  
其于塵界也則隘鄒子之說婉禦寇之談其神  
通也則云左慈術士耳變形于魏都皆同物也  
疑吾佛不能變千百億化身乎其于劫波也則  
云郭璞日者卜年于晋室若合符券疑吾佛不  
能記百萬之多劫耶其于持經也則云佛日禪  
師因聞誦心經呪言下大悟田夫俚婦持念諸  
果者詎可輕笑之哉其于建寺也則云阿蘭若  
法當供養彼區區者尚以土木之功為費何庸

望之甚耶其品評三聖人理趣之淺深也初云  
稍尋舊學且窺道家之言又繙內典至其遠處  
吾中國之書似不及也晚節復云余以此求三  
聖人垂化之理而後知吾佛之所以為人天師  
無上大法王者非諸聖之所能侔也學至于佛  
則無可學者乃知佛即聖人聖人非佛西方有  
中國書中國無西方書也或問屏山何好佛之  
深乎荅云感恩之深則深報之屏山所謂心不  
負人者矣渠又云吾佛之所誨人者其寔如  
不誑不妄豈有毛髮許可疑者耶噫古昔以求

篤信佛書之君子未有如我屏山之大全者也  
近代一人而已恭和中屏山作釋迦文佛贊不  
遠千里以序見記于萬松老師永長巨豪劉潤  
甫者笑謂老師曰屏山兒時聞佛以手加額既  
冠排佛今復贊佛吾師之序可慎與之庸詎知  
他日得不復似韓歐排佛乎老師曰不然今屏  
山信解入微如理而說豈但悔悟于前非亦將  
資信于來者且兒時喜佛者生知宿稟也既冠  
排佛者華報盡惑也退而贊佛者不遠而復也  
而今而後世尊所謂吾保此木決定人海矣後

果如吾師言余與屏山通家相與爾汝曾不檢  
羈其子阿同輩待余以叔禮天兵既克汴梁阿  
全挈遺藁來燕寓居萬松老師之席老師助鉞  
木之資欲廣其傳阿全致書請余為引余亦不  
讓援筆疾書以題其端不惟彰我萬松老師冥  
有知人之鑑抑亦紀我屏山居士克終全信之  
心且為方來淺信竊道者之戒云甲午清明後  
五日湛然居士漆水移刺楚材晉卿序于  
城

心經宗說後序

白華山主措折脚鐺煮沒米粥萬松野老用穿  
心椀盛典無口人雖然指空話空爭奈依實具  
實嗟見渾掄吞棗只管誦持故教混沌開負妄  
生穿鑿如明以字莫認經頭未解本文且看註  
脚湛然居士漆水移刺楚材晉卿詳勘印行

糠孽教民十無益論序

昔余友以此論見寄屬余求序以行世余恐謬  
歸于講主者辭而不序遂採萬松老師賦意及  
講主餘論述辨邪論之意以謂世人皆云釋子  
黨教護宗由是飛謗流言得以藉口予本書生

非釋非糠從傍仗義辨而證之何為不可乎予  
又謂昔屏山居士序輔教編有云儒者嘗為佛  
者害佛者未嘗為儒者害誠哉是言也蓋儒者  
率掌銓衡故得高下其手其山林之士不與物  
競加以力孤執劣曷能為哉余觀作頭陀賦數  
君子皆儒也予不辨則成市虎矣不獨成市虎  
抑恐崔浩李德裕之徒一唱一和撼搖佛教為  
患不淺故率引儒術比而論之以勵吾儒為糠  
孽所惑者論既述所謂余友者復以書見示其  
大略曰講主上人者以糠孽叛教積風乃檢閱

藏教尋繹儒經積有年矣窮諸佛之深意達三  
乘之至真列十篇之目成一家之言語辨而詞  
溫文野而理親聞之者是非莫逃誦之者邪正  
斯分雷震獅吼邪摧魔奔良謂偃德之仕風釋  
疑冰之陽春噫或佛道之未喪也諒必由予斯  
文乎是以信奉佛教者展轉錄傳不可勝紀京  
城禪伯尊宿欲流之無窮不憚萬里徃復教書  
託予為序今之士大夫才筆勝予者固亦多矣  
豈不能序此一書乎以予素淘汰禪道涉獵佛  
書頗知音歸故也予何讓焉此老不避嫌疑自

其謗讟而為此書彼且不避予何代彼而避謗乎吾觀子所著辨邪論正為儒者述儒之信糠者止三子而已矣市井工商之徒信糠十居四五自非此書彼曾何從而化之乎子所得者少所失者不為不多矣書既至余不能答謹以書意序之論者丙戌重午日題于肅州鄯善城

釋氏新聞序

昔仰嶠叢林為燕然之最主事僧輩歷久不更執權附勢搖動住持人泰和中本寺奏請萬松老人住持上許之萬松忻然奉詔人或勸之曰

師新出世彼易師之年少彼不得施其欲必起風波無遺後悔乎師笑而不答既住院師一遵舊法無所變更惟拱默而已夏罷主事輩依例辭職師因其辭也悉罷之師預于眾中詢訪者德為眾推仰者數人至是咸代其職積歲頽風一朝頓革遠近翕然稱吾師素有將相之材矣邇後章廟秋獵於山主事輩白師曰故事車駕巡幸本寺必進珍玩不然則有司必有詰問師責之曰十方檀信布施為出家兒余與若不具正眼空施物理應償報汝不聞木耳之緣乎

富有四海貴為一人豈需吾曹之珍貨也哉且君子愛人也以德豈可以此瑕類貽君主乎因手錄偈一章詣行宮進之大蒙稱賞有成湯狩野恢天網呂尚漁磯侵月鈎之句誠仁人之言也翌日章廟入山行香屢垂顧問仍御書詩一章遺之師亦泊如也車駕還宮遣使賜錢二百萬使者傳勅命師跪聽師曰出家兒安有此例使者怒曰若然則予當迴車師曰傳旨則安敢不聽不傳則亦由使者意竟焚香立聽詔旨章廟知之責其使曰朕施財祈福耳安用野人閑

禮耶上下悚然服吾師不屈王公之前矣此二事天下所共知者也自餘師之隱德默行未播于人間者何勝道哉師之切於扶聖教急于化人心也萬分之一見之于此書乎師應物傳道之暇手不釋卷凡三閱藏教無書不讀每有多聞能利害於佛乘闕涉於教化者悉錄之目之曰釋氏新聞將使見書而知歸聞言而嚮道真謂治邪疾之藥石濟迷途之津梁也豈小補哉石門洪覺範著林間錄辨而且文間有偏黨之語後之成人之美者未嘗不嘆息於斯焉我萬

松老師之意扶教利人也深是以推舉他宗談  
不容口此與覺範之用心相去萬、者也讀是  
書者當知是心矣嗚呼偉哉予請刊是書行於  
世因為之序甲午上元後一日湛然居士漆水  
移刺楚才題

屏山居士金剛經別解序

佛法之西來也二千餘祀寶藏琅函幾盈萬軸  
可謂廣大悉備矣獨金剛一經或明眼禪客若  
脫白沙彌上至學士大夫下及野夫田婦里巷  
兒女子曹無不誦者以頻見如閑姑置而不問

者有之以至理叵測望涯而退者有之噫信其  
小而不信其大信其所見而不信其所未見自  
是而非他執一而廢百者比、然又何訝焉偉  
哉屏山居士取儒道兩家之書會運奘二師之  
論 牽引雜說錯綜諸經著為別解一編  
莫不融理事之門合性相之義析六如之生滅  
剖四相之鍵關謂真空不空透無得之得序圓  
頓而有據識宗說之相須辨因緣自然喻以明  
珠諸佛衆生譬之圓鏡若出聖人之口冥契吾  
佛之心可謂天下之奇才矣噫此書之行於世

也何止化書生之學佛者偏見衲僧無因外道  
皆可廢藥矣昔余與屏山同為省掾時同僚譏  
此書以為餌餒餽之具余尚未染指于佛書亦  
少惑焉今熟繹之自非精於三聖人之學者敢  
措一辭於此書乎呼小人之言誠可畏哉乙未  
元日湛然居士漆水移刺楚才晉卿題於大磧

黃石山

書金剛經別解後

孔子有云吾十有五而志于學三十而立四十  
而不惑是知學道未至于純粹精微之域雖聖

人亦少惑焉昔樂天荅制策稍涉佛教之訛中  
年鄙海山而修兜率垂老為讚佛發願文乃因  
起因張本其事見於本集子瞻上萬言頗稱釋  
氏之弊晚節專翰墨為佛事臨終作神呪浪出  
之偈且曰着力即差其事見于年譜退之屈論  
於大巔而稍信佛書韓文公別傳在焉永叔服  
膺於圓通而自稱居士歐陽公別傳在焉是知  
君子始惑而終悟初過而後悛又何害也屏山  
先生幼年排佛說殆不忍聞未幾翻然而改火  
其書作二解以滌前非所謂改過不吝者余於

屏山有所取焉後之人立志未定惑于初年者  
當以此數君子為法乙未清明日湛然居士題  
於別解之後

賈非熊修夫子廟疏

天產宣尼降季周血食千祀德難酬重新庠序  
獨無力試向滄溟下釣鉤

孝義永安寺請余為功德主因作疏

塵緣不盡淹鳳池而有年習氣難忘慕祥林而  
未暇遑過昭然老子請作永安主人乞聞一聲  
何須再讓葛藤舊案宛如馬耳之風松菊新堂

便是終焉之計謹疏

請旭公禪師住應州寶宮寺疏

繇枝出入萬松中便好移來植寶宮覆蔭人天  
正今日不妨鼓動劫前風

請文公菴主任王山開堂出世疏

兒大做翁當仁不讓便請承當何須再勸

請嚴庵主持東堂出世疏

西堂弃東堂山東過山西禪師開狗口居士展

驢蹄

請希菴主持晉祠奉聖寺開堂疏

晉祠山水冠人間好清希公向北閑飯了蒙頭  
三覺睡逢人休說趙州關

請學庵主持翠微山寶林寺開堂出世

疏

金城元有翠微山寶刹禪林積歲閑咲請學公  
來領略一瓶遊戲白雲間

請石州海秀首座住文水壽永寺疏

霖

寔沾秀  
法屬也

聞道霖師退壽寧秀公難弟亦難兄新詩遠寄  
石州去貶起眉毛便好行

太原山開化寺灰燼之餘再興故宇請

余為功德主因作疏

竊以塵緣有數否則秦：則亨聖道無窮變則  
通：則久惟開化之故刹實太原之名蓋兵火  
以來劫灰而已住持人固有定老功德主乃請  
湛然良慰殷勤強為領略禪心佛語誰知教來  
別傳梵刹蓮宮更看無中唱出謹疏

重修宣聖廟疏

精藍道觀已重新獨有庠宮尚坳垣試問中州  
士君子誰人不出仲尼門

燕京大萬壽寺化水陸疏

竊以生死蒙恩便見法門不二怨親普濟始知  
檀度無私仰惟佛陀興慈乃是阿難張本欲啟  
無遮之大會必資有衆之良緣但肯同心便希  
垂手謹疏

請奧公禪師開堂疏五首

竊以深達大本何妨摘葉尋枝截斷衆流便是  
隨波逐浪欲整雲門窠窟必求佛覺兒孫伏惟  
奧公和尚道合圓通法傳圓照逢人便出方為  
禪子家風惡土難移未是衲僧氣息謹疏

竊以轉身就父從來禪子宗風借路還家好箇  
初僧消息伏惟奧公和尚受戒崇壽得法聖安  
木闌薇猷權棲大覺因席就請何須特地人情  
准帖奉行折合遮翻公案謹疏

竊以釋迦慳迦葉富無物與人奧公俏聖安慈  
慢箴誨盜既收蝕芥子不藉破皮鞋須要粧龍  
似龍何礙將錯就錯抱將十字街裡便好投街  
推來百尺竿頭更教進步謹疏

竊以法海彌深曹水五流分派化風猶扇雲門  
一葉重華奧公菴主透圓照之重關提圓通之

正令善作降龍相能談文字禪開裡刺頭最好  
途人便出穩處下脚何礙遇緣即宗謹疏  
窈以當年嚼飯喂嬰兒聖安左錯今日把棒喚  
狗子居士風顛你打開漆桶徹底承當我劈破  
面皮須要相見橫柳木栗獨行正令莫壓弱倚  
強與旃檀佛共演梵音好換行奪市謹疏

請湘公上人住持新院仍名興教寺者

因作疏

寶刹成空隨劫灰而已滅精廬如聖逐化日而  
重新為國報恩可名興教赤軸黃卷且圖摘葉

尋枝寶藏琅函何礙尋行數墨謹疏

德興府岷峪雲巖寺請東林老人住持

疏

昔日山中養聖胎峪中松檜手親栽院以荒松老  
無龍象便請東林更一來

公幼年嘗在此寺  
有手植松在焉

請栢巖儼公疏

良弼施宅割天寧却請天寧舊衲僧為報栢巖  
休遜讓閑中續出祖師燈

邳州重修宣聖廟疏

宣尼萬古帝王師可嘆荆榛沒古祠重整庠宮

闡文教顯觀日月再明時

安慶織萬佛疏

余自忝預政事以文懶為疏文恐物  
議挾執故也安慶者二巧妙天下自  
創新意織萬佛為施嘉其意因破戒  
作此疏云

十方三世萬如來不犯梭頭寶座開單手元知  
不成拍三臺須要大家催

請聰公和尚住山陰縣復宿山疏世傳  
顯化再宿于此山故得名

昔日文殊曾復宿當年聰老可重來公舊常此  
山便是真佛窟何必區々禮五臺

題萬壽碑陰

昔達磨西來禪宗大播門庭峻峭机變驟馳非  
世智辯聰所能曉也其予奪之間固有賓主抑  
揚之際不無權實其未具透關眼者豈克隨語  
注解之病哉香山俊公和尚受法于大明渠謂  
洞山之後偏正五位失其本意亦行權之語與  
同參榮公聞之果吞鉤餌俊公門人輩從而勒  
諸石速發後世之一笑噫受師之道而反謗之

是自謗也何止自謗也曹山枝子青州諸師之  
道皆不足法矣顧香山亦近世之豪邁者也忍  
為此事耶昔雲門拈世尊初生因緣云我當時  
若見一棒打殺與狗子喫琅琊覺云雲門可謂  
將此身心奉塵刹是則名為報佛恩臨濟臨終  
謂三聖云誰知吾正法眼藏向這瞎驢邊滅却  
至今道法大行是知宗門之語一槩一搨豈可以  
世間語言定其準的也哉若香山果無毀大明  
意後之于孫宜改覆車之轍不然則自有勝默  
老人之韻語余手書於故碑之陰以為來者誠

其辭曰燕俊與朔榮齊足出大明俊趨住巨刹  
黨奮梟猊探抱洞山足逆扮大明晴聞見弔  
澆季搦腕皆含情榮甘溺蘆蕩掉尾求羶腥曲  
助碑其言欺賊晚來誠我覽取諸譬：彼秦築  
城秦非不謀固無德秦亦傾上德無可德下德  
方紀銘端然居上德非碑道亦行况聖不自會  
古德云其足聖人法聖人不會其旨自矜盈修毋致子有反是  
而未聆目花只自見耳聲約誰聽雖欲信天下  
未必同為聲不見三葉祖削跡捨身名兕孫愈  
岳立史傳愈金鑑不見北宗下功勳石上爭期

昌竟何昌千古招論評俄柔慶基敗大明老師嘗記曰彼  
有黨借必不得好嗣果玷累斯文貞贄然冥虛  
敗于慶柔基三人也  
堂徒表黨宗明

和公大禪師塔記

師本平水人俗姓段氏幼習儒業甫冠應經義  
舉因閱春秋左氏傳悟興衰之不常慨然投筆  
退居山林年二十棄俗出家礼平陽大慈雲寺  
僧宗言為師受戒披剃頗習經論後聞教外別  
傳之旨乃傾心焉遍謁諸方因緣不契師知萬  
松老人之聲價照映南北直抵燕然而見之居

數載師資道契始獲密許人頗知之丙戌夏六  
月故勸農使王公為功德主作大齋又蒙行省  
相公洎以下僚佐專使賚疏勸請開堂出世因  
住持大萬壽禪寺師素剛毅寡合未暮退居漢  
陽之盤山報國寺建州元帥葛公權府朱公彈  
壓樊公聞師之名飛疏敷請辭不獲已杖錫北  
行詣建州梨花道院以塞其命未幾示微疾移  
居閭山之崇福寺養病一日忽召門人普淨輩  
謂之曰生死去來猶空花水月何足為訝遂淨  
髮更衣端坐而囑後事乃作頌曰臨行一句當

面不諱皓月清風不居正位頌畢石脇而寂師  
將順世有本寺傳戒大師臨謂之曰善為道路  
師笑而不荅令眾且去勿誼眾皆出聞師咄一  
聲眾驚視之師已寂矣三日神光不變茶毗之  
日頗有祥異數州士民焚香拜禮者絡繹于路  
師俗壽四十六僧臘一十六其徒迎其靈骨藏  
於萬壽祖塋之側噫師之處萬壽也每聞誦經  
之聲形不憚之色由是人皆譏之臨行之際命  
其徒諷導勝呪者何哉殊不知大善知識臨機  
應物一抑一揚一奪一縱若珠之走盤千變萬

化詎可以一途而測耶至於巨川海和尚平日  
亦行此令執相者諷之而謂毀梵行掠虛者讚  
之而謂無礙禪皆失之矣後之學者當以此為  
誠已丑之清明其徒屬余為記遂以所聞之語  
信筆記之湛然居士云

萬壽寺創建厨室上梁文

萬壽寺創建厨室浪著上梁文六首  
幸付工人輦欵之用光法席

拋梁東香積移來不犯功却笑維摩無手段但  
將盂飯到塵中

拋梁南底箇因緣最好叅試問助緣多少衆前  
三、與後三、

拋梁西巧匠騎馱倒上梯四面無門何用鑊十  
方沒壁不須泥

拋梁北柱石宛有擎天力欲模此樣向諸方懶  
殺僧繇描不得

拋梁上手不傷材真大匠虛堂窮劫鎮叢林借  
與兒孫為榜樣

拋梁下聊倩般輸成大厦朝、香飯供諸佛承  
事悉無空過者

### 茶榜

今辰齋戒特為新堂頭與公長老設茶一鍾聊  
表住持開堂陳謝之儀仍請知事大眾同垂光  
降者

竊以个中滋味誰是知音向上封題罕逢添鑑  
伏惟新堂頭長老名超絕品價重諸方黃金碾  
畔析微塵輸他三昧手碧玉甌中轟白浪別是  
一家春睡鬼潛奔便是三人無夢湯敲微發解  
教醉眼先醒諗老三盃莫作道理會盧公七椀  
且是仁義中雖然櫛桶新陳不得顛預甘苦便

請大家下口且圖一衆聞懷幸甚

約善長和詩戰書

余奉善長詩百韵仍乞光和渠謙抑  
退讓以降啓見戲余亦戲作戰書以  
督之聊發一笑耳

維旃蒙協洽之歲三月甲午朔湛然謹致書于  
詩將善長先生幕府愚聞李杜齊名已有登壇  
之序元白並駕嘗與定伯之書在昔云然於今  
亦可既久陳于師旅宜一決于雌雄無約而和  
者必謀有備則所以亡患在德不在險雖粗聞

於古語受降如受敵則為戒於兵家伏惟善長  
先生冀北無馭斗南第一能投壺而講禮善橫  
槊而賦詩詞鋒折萬里之衝筆陣掃千人之敵  
將略多：而益辨雄材一：而難陳遇險韵而  
愈竒見大敵而倍勇君唱之而來挑戰我和之  
以為應兵方及交綏輟陳降啟前鋒少却尚未  
損于一毫勇氣未衰遂引退于三舍張贏師而  
誘我遺厚利以餌余曠口持久以老我師重幣  
甘言以驕我志深藏九地必發九天故示之以不  
能將攻我之所短倘弗遵於仁術勝亦非功苟

不推於至誠盟之何益此奚疑耳理亦灼然兵  
不戰而屈人可為上策心未服而納款豈無詐  
謀若非先見之明徒貽後悔之誚是以載嚴文  
壁爰整詩兵比爾于立爾矛一乃心齊乃力文  
章燦爛依稀整々之旗聲律精嚴彷彿堂々之  
陣乃一鼓而成列決再戰而立功願天下之英  
雄惟使君與採嘆文章之微婉非夫子而誰好  
持兵麾願聞金諾謹奉戰書以聞指不多及

寄萬松老人書

嗣法弟子從源頓首再拜師父丈室承手教諭

及弟子有以儒治國以佛治心之語近乎破二  
作三屈佛道以徇儒情者此亦弟子之行權也  
教不云乎無為小乘人而說大乘法弟子亦謂  
舉世皆黃能任公之餌不足投也故以是語餌  
東教之庸儒為信道之漸焉雖然非屈佛道也  
是道不足以治心僅能治天下則固為道之餘  
滓矣戴經云欲治其國先正其心未有心正而  
天下不治者也是知治天下之道為治心之所  
兼耳普門示現三十二應法華治世資生皆順  
正法豈非佛事門中不捨一法者歟孔子稱夷

齊之賢求仁而得仁死而不怨後世行者難之  
又安知視死生如逆旅坐脫立亡乃衲僧之餘  
事耳且五善十戒人天之淺教父益慈子益孝  
不殺之仁不妄之信不化自行於八荒之外豈  
止有耻且格哉是知五常之道已為佛教之淺  
者兼而有之弟子且讓之以儒治國以佛治心  
庸儒已切齒謂弟子叛道忘本矣又安足以語  
大道哉又知稚川子尚以叅禪卜之立見其効  
師嘗有頌試招本分鉗鎚一下便知真假正謂  
此耳呵、春深萬莫為道珍重區、不備

萬松老人萬壽語錄序

余忝侍萬松老師謬承子印因遍閱諸派宗旨  
各有所長利出害隨法當爾耳雲門之宗悟者  
得之於緊俏迷者失之於識情臨濟之宗明者  
得之於峻拔昧者失之於莽鹵曹洞之宗智者  
得之於綿密愚者失之於廉纖獨萬松老人得  
大自在三昧決擇玄微全曹洞之血脉判斷語  
緣具雲門之善巧拈提公案脩臨濟之機鋒為  
仰法眼之爐爇兼而有之使學人不墮於識情  
莽鹵廉纖之病真間世之宗師也略舉中秋日

為建州和長老圓寂上堂云有人問既是建州  
遷化為甚萬壽設齋師云此夜一輪滿清光何  
處無又問不是盡七百日又非周年大祥聞勘  
今日設齋師云月色四時好人心此夜偏衆中  
道長老座上誦中秋月詩佛法安在師云萬里  
此時同皎潔一年今夜最分明將此勝因用嚴  
和公覺靈中秋玩月徹曉登樓直饒上生兜率  
西往淨方未必有燕京蒸梨餹束爆栗燒桃衆  
中道長亮只解說食不見有纖毫佛法師云謝  
子証明即且致為甚中秋閉目坐却道月無光

有餘勝利迴向諸家檀信然軟蒸豈角新煮雞  
頭蒲萄駐顏西衣止渴無邊功德難盡讚揚假  
饒今夜天陰暗裡一般滋味忽若天晴月朗營  
定不索點燈老師語緣似此之類尤多不可遍  
舉且道五派中是那一宗門風具眼者試辨者  
噫千載之下自有知音乙未夏四月湛然居士  
漆水移刺焚才晉卿序於和林城

祭姪女淑卿文

維乙未之春三月二十六日叔湛然居士謹以  
蔬食清茗致祭於猶子舜婉淑卿之靈維靈胄

出遼室支分大宗我考賢王夙植於令德吾兄  
按察載振於清風汝幼奉母訓長知父從禪理  
頗究儒學悉通稟鄭娘之標格有靈照之心胸  
不食葷於笄年欲為尼於高嵩德播人口名達  
帝聰遣使求於故御有詔入於深宮守志持節  
慎心飾躬垂及知命尚為嬰童古所未有來者  
孰同章奏久掌名位日隆上謂之女學士人呼  
之官相公屢有諫諍多所彌縫德殊辭輦之班  
功勝當熊之馮忽家亡而國破嘆勢盡而途窮  
果全身而不辱示微疾而善終正悟之名得之

於空老徒悟之號乞之於髯翁信幼有之非有  
如真空之不空來兮無跡去兮無踪來無跡兮  
出燕山之白雲去無踪兮聳和林之青松明日  
灰飛煙滅後天涯何處不相逢嗚呼哀哉伏惟  
尚饗

和林城建行宮上梁文

拋梁東萬里山川一望中靈沼靈臺未為比行  
宮不日已成功

拋梁南一帶南山揖翠嵐創築和林建宮室鄼  
侯功業冠曾參

拋梁西碧海寒濤雪拍堤  
臣庶稱觴來上壽  
嵩呼拜舞一聲齊

拋梁北聖主守成能潤色  
明堂壯麗鎮龍沙  
萬世魏：威萬國

拋梁上棟宇施功遵大壯  
鳴鞘聲散翠華來  
五雲深處瞻天仗

拋梁下柱石相資成大厦  
君臣鐘鼓樂清時  
喜見山陽歸戰馬

為武州摩訶院新建佛牙塔疏  
沸日增輝國政和  
靈牙有詔賜摩訶  
因風吹火

何勞力垂手同修宰堵波

湛然居士文集卷之十四 目次

法語示猶子淑卿

和潤之韻

贈景賢

寄東林

寄萬壽潤公禪師

寄甘泉慧公和尚

遺龍崗鹿尾二絕

和景賢贈鹿尾二絕

中秋召景賢飲

請定公住大覺疏

補大藏經板疏

武川摩訶院勅建瑞像殿疏

請與公任崇壽院

寄聖安澄老乞藥

信之和予酬賈非熊三字韵見寄因再賡

元韵以復之

雲漢遠寄新詩四十韵因和而謝之

德新見寄二十韵和而謝之

子鑄生朝潤之以詩為壽因繼其韵以遺

之

扈從旋師道過東勝秦帥席上繼杜受之

韵

屏山居士鳴道集序

用梁斗南韵

贈姪正卿

寄張鳴道

送省掾郭仲仁行

送燕京高慶民行

和趙庭玉子贇韻

贈東平主事王公

周敬之脩夫子廟

寄萬壽堂頭乞湖山

寄東林同參

寄簡堂頭

寄孔雀便面奉萬松老師

答倪公故人

送王璘行

繼介丘穆景華韻

繼平陶張才美韻

德柔嘗許作鞍玉轡且數年矣作詩以督之

卜鄰一絕寄鄭景賢

寄岳君索玉博山

雲中重脩宣聖廟疏

寄光祖

送德潤南行

再和萬壽潤禪師書字韻五首

贈景賢玉澗鳴泉琴

丙申元日為景賢壽

景賢作詩頗有忘歸之意因和元韻以勉之

景賢召余飲以事不來翌日余訪景賢值出余開樽盡醉而歸留詩戲之

和景賢召飲韻

丙申上元夜夢中有得

送門人劉德真征蜀

送門人劉浚亨征蜀

趙州栢樹頌

黃龍三關頌

和太原元大舉韻

喜和林新居落成

題新居壁

太原脩夫子廟疏

和林建佛寺疏

湛然居士文集卷之十四 目次畢

湛然居士文集卷之十四

元 耶律楚材 晉卿 撰

法語示猶子淑卿

汝自謂幼年嘗禮禪空師求名因書頌云父母  
未生前凝然一相圓釋迦猶不會迦葉豈能傳  
此語極妙且道汝作麼生會古昔以來有志師  
僧辭親出家尋師訪道千辛萬苦三二十年祇  
為此一段空劫以前大車尚有未透脫者汝幼  
居閨閣久在掖庭未嘗州功叩叅大善知識但  
博尋宗師語錄徒增狂慧深背真道賣弄滑頭

於道何益所以古人道參須實參悟須實悟又  
云滿肚學來無用處闍王不要葛藤者真良言  
也只如空老所書頌亦論父母未生前面目又  
道釋迦猶不會迦葉豈能傳此是何意趣若云  
釋迦不會能仁四十九年橫說豎說貝藏琅函  
遍滿人間未後拈花以傳教外之旨且道此法  
從何而得若云迦葉無傳西天二十八祖東土  
歷代諸師相傳之道自何而來若謂釋迦不會  
迦葉無傳這空禪師亦是佛祖兒孫寫此頌圖  
箇甚麼箇中闕捩盡在此兩句不可不細參詳

余余為汝透漏此子消息父母未生前老夫云  
水泄不通凝然一相圓老夫云針劄不入釋迦  
猶不會老夫云非思量處迦葉豈能傳老夫云  
識情難測父母未生前老夫云三更神世界凝  
然一相圓老夫云半夜鬼乾坤釋迦猶不會老  
夫云只許老胡知迦葉豈能傳老夫云直饒將  
來他亦不要父母未生前老夫云頭圓象天凝  
然一相圓老夫云足方象地釋迦猶不會老夫  
云寒山撫掌迦葉豈能傳老夫云拾得呵、老  
夫為汝橫批豎判二用顛拈十字打開兩手分

付了也一句子薦尔可與佛祖為師一句子薦  
得可與人天為師一句子薦得自救不了閑中  
試定省看其或未明若到燕然問取萬松老子  
潤之領于忘憂門下生徒乘駟渠徒步抵  
和林城有詩云破帽麻鞋布腿裯強扶  
衰病且徒行區、不道圖他甚一夜山  
妻罵到明予憐而和之

疎筭籬邊正脫裯故山清處便宜行鏡湖他日  
應屬我好向湖邊訪四明

贈景賢

茶鄰藥物成邪氣琴伴簫聲變鄭音可惜龍崗  
老居士却教邪教汚真心

寄東林

東林已秀兩三枝覆蔭人天正此時貪向龍宮  
翻貝葉惱人不寄玉泉詩

以來書云見閱  
藏經故有是語

寄萬壽潤公禪師

林泉人笑鳳凰枝我慕林泉歎後時盼得人來  
問消息太平和尚又無詩

寄甘泉慧公和尚

東林枝勝桂林枝不怕甘泉濟旱時鍊額鋼頭

含笑面可人能字更能詩

去歲秋獮余謁龍崗因彈秋水龍崗出山  
羊一雙為贈渠笑曰已過價矣余愛客  
多設鹿尾漿今年上獮于秋山龍崗記  
以鹿尾可入藥得數十枚悉以遺余因  
錄近和人詩數篇以報仍作詩二絕為  
引聊發一笑耳

秋水清聲忽變商龍崗曾遺二山羊今年祇奉  
詩三首為報先生鹿尾漿  
去歲山羊酬過價今年鹿尾不值錢龍崗藥物

都竭底只得髯翁詩數篇

和景賢贈鹿尾二絕

日暮長楊獵騎歸西風弓硬馬初肥今年鹿尾  
休嫌少且喜君王不合圍

禁鬻酷思濃鹿汁香蔬久厭小兒拳龍崗採得  
班龍尾一串穿來寄玉泉

中秋召景賢飲

中秋北海景淒淒好拚今宵醉似泥快請龍崗  
疾過我與君同泛玉東西

請定公住大輿疏

龍龕寶藏照人寒  
與老功成住聖安  
却請定公來領畧  
收拾香火禮旃檀

補大藏經板疏

十年天下滿兵埃  
可惜經文半劫灰  
欲析微塵出經卷  
隨緣須動世間財

武川摩訶院勅建瑞像殿疏

邦人創刻旃檀像  
寺衆新脩宰堵波  
兩段因緣非細事  
成功須仗大檀那

請真公住崇壽院

泥秋昔日隱蟄龍  
一震重新大覺宮  
却請收雲

歸舊壑晨昏香火禮師翁

泥秋院圓通禪師真堂在焉

寄聖安澄老乞藥

登高回首望燕山  
試道新詩怨聖安  
賺得護身符子去  
三年不寄大還丹

信之和余酬賈非熊三字韵見寄因再賡

元韻以復之四首

鷄鶉徒羨大鵬南  
駕馬終須後裊驂  
至理猶刪萬歸一  
庸儒剛說二生三  
透關活眼嫌金屑  
戀土痴人宿草菴  
寄與雲川賢太守  
洗心滌慮與君參

惱人捷徑起終南正赤沙堤相國駭幻術莫驚  
殷七、真詮誰識後三、家鄰荆水也玉泉宜栽  
竹綠在香山好結菴研齒葛藤窠已後開家破  
具不須叅

鴻雁翩、自北南歸與何日駕歸驂潛龍在下  
宜初九即鹿無虞戒六三洛下好遊白傳寺濟  
源重覓侍中菴衰翁自揣何多幸昨夢齋中得

罷叅萬松老人住持大覺寺榜其齋曰昨夢

舊隱醫閣白雪南故山住處好停驂貪嗔痴者  
元無一詩酒琴之樂有三菱芡香中橫短艇松

筠聲裡稱危菴有人問道來相訪一椀清茶不  
放叅

雲漢遠寄新詩四十韵因和而謝之

允文符太乙天相忝文昌泛海難追蠹封留欲  
學良穢形伴珠玉朽木厠松樟直節心雖赤衰  
年髻也蒼伴食居相府無德報君王草甲濡春  
雨葵心傾太陽大權歸禁闕成美出岩廊自北  
王師發平南上策長皇朝將革命亡國自頽綱  
漢水偏師渡長河一葦航股肱無敢惰元首載  
歌康號令傳諸域英雄守四方大勳雖已集遺

命未嘗忘萬國來  
馳幣諸侯敬奉璋  
兆民涵舜德百郡仰天光大  
有威如吉重乾體自強  
碩賢起編戶良將出戎行  
太廟陳籩豆明堂服冕裳  
宋朝微寢戚皇嫡久成戕  
政亂人思變君愚自底亡  
右師潛入劔元子直臨襄  
殺氣侵南斗長庚壯玉堂  
幽州之分弓猶藏寶玉劔未識干將  
皇業超千古天威聳八荒  
元戎施虎畧勇士展鷹揚  
武繼元封跡文聯貞觀芳  
宮庭敢諫鼓帷幄上書囊  
仁待卿雲見行觀丹鳳翔  
武文能迭用威德足當相  
多士思登用遺賢肯退藏  
詩書搜鳥

篆功業抑龍驤國用恒無缺  
民財苦不傷八音歌頌雅可戲  
屏優倡聖澤傳朝露明刑肅暮霜  
永垂塵劫祚一混九州疆  
重任司鈞石微才匪棟梁  
思歸心似醉感愧淚如滂  
嚴子終辭漢黃公合隱商  
窮通真有數憂樂實難量  
雖爰千鐘祿何如歸故鄉  
乙未閏月上旬日玉泉書

德新先生惠然見寄佳製二十韻和而謝之

當年職都水曾不入其門  
德重文章傑年高道義尊  
雖聞傳國士但不識王孫  
韻語如蘇武離

騷類屈原烟霞供好句江海入雄吞意氣輕三  
傑才名冠八元著述歸至頤議論探深源藉  
名雖重區、席不溫家貧謁魯肅國難避王敦  
北鄙來雲內西邊退吐蕃勉將嚴韻寄不得細  
論文遠害雖君智全身亦聖恩大不宜應詔豪  
氣傲司閭學識光先哲風流遺後昆莫尋三島  
客好謁萬松軒六度真光發三毒妄影奔素綠  
忘染習古鏡去塵昏爐上飛寒雪胸中洗熱煩  
到家渾不識得象固忘言心月孤圓處澄、混  
六根乙未閏月上休日玉泉書

子鑄生朝潤之以詩為壽予因繼其韻以  
遺之

巖松傲歲寒枝幹騰千尺月兒若稽古功名垂  
竹帛我祖東丹王施仁能善積我考文獻公清  
白遺四壁盛名流萬世馨香光赫、余生歎不  
辰西域十年客貧困志不渝未肯忘平昔、日  
出燕然辰嘗攝提格鷄尾得鳳毛續後予無責  
汝知學不學何啻雲泥隔為山虧一篲龍門空  
點額遠襲周孔風近追顏孟迹優游禮樂方造  
次仁義宅繼夜誦法書廢時毋博奕勤惰分龍

猪三十成骨骼收，寢食廢安可忘朝夕行身  
謹而信于禮順而撫祥麟具五蹄溟鴻全六翮  
為人備五常奚憂任與策成功不自滿始知謙  
受益慎毋忘此詩吾言真藥石甲午重午前三  
日湛然居士書

扈從旋師道過東勝秦帥席上繼杜受之

韻

去國十年久還鄉兩髣緜三川猶梗澁百越正  
干戈東勝城無恙西征事若何凭高吟望久樽  
酒酌長河

屏山居士鳴道集序

屏山居士年二十有九閱復性書知李習之亦  
二十有九參藥山而退著書大發感歎曰抵萬  
松老師深攻亟擊宿稟生知一聞千悟注首楞  
嚴金剛般若贊釋迦文達磨祖師夢語贅談翰  
墨佛事等數十萬言會三聖人理性之學要終  
指歸佛祖而已江左道學倡于伊川昆季和之  
者十有餘家涉獵釋老膚淺一二著鳴道集食  
我園榘不見好音誣謗聖人聾瞽學者噫憑虛  
氣任私情一讚一貶獨去獨取其如天下後世

何屏山哀矜著鳴道集說廓萬世之見聞正天下之性命發揮孔聖隱幽不揚之道將攀附游龍駸乎吾佛所列五乘教中人天乘之俗諦疆隅矣鳴道諸儒力排釋老拚陷韓歐之隘黨孰如屏山尊孔聖與釋老鼎峙耶諸方宗匠皆引屏山為入幕之賓鳴道諸儒鑽仰藩垣莫窺戶牖輒肆浮議不亦僨乎余忝厯宗門堂室之奧懇為保證固非師心昧誠之黨如謂不然報惟影響耳屏山臨終出此書付散鼎臣曰此吾末後把交之作也子其祕之當有賞音者鼎臣

聞予購屏山書甚切不遠三數百徒步之燕獻的稿于嵩松老師轉致予覽而感泣者累日昔予嘗見鳴道集甚不平之欲為書糾其蕪謬而未暇豈意屏山先我着鞭遂為序引以鍼江左書生膏肓之病焉中原學士大夫有斯疾者亦可發藥矣甲午冬十有五日湛然居士漆水移刺楚材晉卿序

用梁斗南韻

丁年學道、難成却得中原浪播名  
否德自慚調鼎龜微才不可典璣衡  
誰知東海潛姜望好

向南陽起孔明收拾琴書作歸計玉泉佳處老  
餘生

贈姪正卿

遼室東丹九葉芳曾陪劔佩侍明昌學書寫盡  
千林葉習射能穿百步楊興廢人間戰白蟻榮  
枯枕上夢黃梁故山咫尺宜歸去莫使因循三  
徑荒

寄張鳴道

張君宗派自留侯壯歲成名入士流一代詩聲  
如玉振千鈞筆力挽銀鈎平山邂逅初青眼汴

水伶仃已白頭遙想荷花好時節故人吟倚仲  
宣樓

送省掾郭仲仁行

蘭省而今已預名還鄉衣錦也為榮遼陽幹事  
須詳悉速駕星輶上玉京

送燕京高慶民行

國事煩多我政憂上章清選俸徵收好陪劉晏  
勤王事早使錢如地上流

和趙廷玉子贄韻

萬里龍庭白草秋時、歸夢舊漁舟酌殘白酒

難成醉老盡黃花無限愁久識人心多厭政喜  
逢天下已歸劉而今子入中州去莫惜寒梅寄  
隴頭

贈東平主事王玉

聖主方思治邊臣未奉行愆君達此意無得負  
蒼生

周敬之脩夫子廟

天皇有意用吾儒四海欽風盡讀書可愛風流  
賢太守六山創起仲尼居

寄萬壽堂頭乞湖山

削玉剡瓊出自然依晞岩竇吐雲煙禪師手段  
掀山嶽便好携來向玉泉

寄東林同叅

東林屢有寄來詩忙裡何嘗報一辭豈是玉泉  
生吝惜言無滋味不宜時

寄簡堂頭

巨川生下此村牛千百頭中祇一頭鼻孔撩天  
無主伴不風流處也風流

寄孔雀便面奉萬松老師

風流彩扇出西州寄與白蓮老社頭遮日招風

都不礙休從侍者索犀牛

答倪公故人

玉泉回報故人書問子叅玄着意無且趁萬松  
鑪鐵熱疾忙索取護身符

一作夜明符

送王璘行

天涯九日出龍沙冬後冬前却到家  
餽運功成須報我好遊天漠上浮槎

繼介丘穆景華韻

北海情傾北海樽予懷為向景華伸  
奇才管葛堪為匹何事唐虞不得臣  
行道欲期丹鳳出忘

機且與白鷗親龍庭萬里休辭遠  
六出奇畫正賴陳

繼平陶張才美韻

才美風流自一時因風來寄湛然詩  
新朝制度知將近晚節功名未是遲  
識子固為天下士微君孰撫我民瘼  
援毫欲繼清新句笑我却無黃絹辭

德柔嘗許作鞍玉轡且數年矣作詩以督之

異物當時許晉卿幾年思渴動詩情  
龍庭風細

沙堤軟玉轡雕鞍正好行

卜鄰一絕寄鄭景賢

龍沙幽隱子真家自撥寒泉出沒沙我願卜鄰  
穹帳側旋分清酌煮新茶

寄岳君索玉博山

玉爐精巧若裁肪寄與髯翁也不妨古廟多年  
無氣息直消一炷返魂香

雲中重修宣聖廟疏

槐宮悉混玉石焚廟貌依然惟古雲須仗吾儕  
更脩葺休教風世喪斯文

寄光祖

漁陽光祖冠當時筆法詞源我獨知君有家難  
君自厭為何偏愛玉泉詩

送德潤南行

燕然民庶久瘡痍摩撫瘡痍正此時暴吏猾胥  
諂君日開緘三復味予詩

再和萬壽潤禪師書字韻五首

憂道

不肯參禪不讀書徒喧口鼓說真如未能即色  
明真色只道無餘已有餘法眼凋殘浮海去為

山寂寞少人居一從三聖承當後季世寥々無  
瞎驢

述懷

寶藏翻窮貝葉書方知真理本如一  
一心不動無生滅萬古長空豈欠餘  
妙藥更靈難忘口長安雖肯不堪居  
毛吞大海渾閑事誰訝瓢中出  
白驢

警世

看盡人間萬卷書較量佛法總難如  
本無妄疾剛尋藥幸有回波好乞餘  
方丈名山真碧海含

元古殿是皇居行人半老家何在終日騎驢却  
覓驢

傷時

金馬門前數上書子虛新賦笑相如  
萬言警策才無敵六國縱橫智有餘  
千里兵車討奸宄五更朝馬候興居  
功名賺得頭如雪不悟團々如  
磨驢

投老

囊裡瑤琴架上書箇中真味更何如  
伴閑美竹千竿許養老田園二頃餘  
睡起焚香誦圓覺興

來緩軫品幽居官音有此曲夕陽半下山偏好吟入  
煙霞穩跨驢

贈景賢玉澗鳴泉琴

玉泉珍惜玉泉琴不遇高人不許心素軫四三  
排碧玉明徽六七架黃金臨風好奏朝飛曲對  
月宜彈清夜吟渠能彈雉朝贈與龍崗老居士  
須教下指便知音飛清夜吟

丙申元日為景賢壽

龍沙一仁二十年獨識龍崗鄭景賢詩筆饒君  
甘在後琴棋笑我強爭先冷官何啻廣文樂歸

計猶存谷口田刳外壺天壽無量請分勤叩祖  
師禪

景賢作詩頗有思歸意因和元韵以勉之  
我訪龍崗老珠璣咳唾間酒熟香馥琴滑水  
潺、王吉河中栽菊和林也有山但能放心下  
何處不安閑

景賢台余飲以事不果翌日余訪景賢值

出子開樽盡醉而歸留詩戲之

昨日命我初無興今日尋君不在家不問主人  
都飲盡醉今倒載黑羶車

和景賢召飲韻

書滿穹廬酒滿樽  
龍崗召我謝殷勤  
琴中別有無絃曲  
醉裡開懷舉似君

內中六元夜夢中有得

超佛越祖透真空也  
與嵩山說夢同面貌  
眼睛鼻孔裡大千沙  
躡一漚中

送門人劉德真征蜀

門第遼陽劉德真  
剛直木訥近乎仁  
憐君粗有才學術  
師我精通天地人  
今日從軍征兩劔  
他時擁旆入三秦  
三辰測驗須吾子  
創作天朝寶

曆新

送門人劉復亨征蜀

誠之識我二十年  
不讀經書不學禪  
悞爾儒冠好投筆  
過人勲業好加鞭  
浣花溪畔春如畫  
濯錦江邊酒似川  
壯歲從軍真樂事  
鄧侯遺躅勉爭先

趙州柏樹頌

古佛猶存舊道場  
庭前依舊柏蒼蒼  
莫謗諸州無此語  
禪林奔走錯商量

黃龍三闕頌

我手何似佛手

稱頭斤兩須端的短少毫厘不可欺  
函關辨認合同券未肯輕、放過伊

我脚何似驢脚

行令如同車脚圓你三文後我三錢直饒道底  
分明是也是當年鸚鵡禪

如何是上座生緣

只打野盤無寺宿不供糊口趨村齋上戶莫椿  
虛物僧司無得錯推排

和太原元太舉韵

魏帝兒孫氣似龍而今飄泊困塵中  
君遊泉石初無悶我秉鈞衡未有功  
元氏從來多慷慨并門自古出英雄  
李唐名相沙堤在好與微之繼  
舊風

喜和林新居落成

登車憑賦我怡顏飽看和林一帶山  
新構幽齋堪偃息不閑、處得閑、

題新居壁

舊隱西山五畝宮和林新院典刑同  
此齋喚醒當年夢白晝誰知是夢中

太原脩夫子廟疏

并門連歲不年豐証父攘羊禮義空既倒狂瀾  
扶不起直須急手建庠宮

和林建佛寺疏

龍沙玄教未全行故築精藍近帝城須仗檀那  
垂手力一輪佛日煥然明

湛然居士文集卷之十四

湛然居士文集後序

夫文章以氣為主浩然之氣養于胸中發為文章不期文而文有餘矣古之君子其文見于簡策宏深渾厚言近而旨遠辭約而義深非後世以雕琢為工者所能比蓋其浩然之氣貫于中也諸葛孔明暨近代范六正公懷王佐之才有開物成務之略自任天下之重初不欲以文章名世然出師一表可與伊訓說命相表裡而萬言一書議者亦比于管仲樂毅二子者豈嘗學為如此之文也哉其忠義之氣形之于文亦不

自知其所以然也嗚呼世之作文者非不舉也  
言語非不工也及其建功定業任大持重不若  
昔之人者其胸中所養者小也今吾湛然居士  
其庶幾乎公當聖朝開創之際膺鹽梅鼎鼐之  
任仰贊天子茂弘德威臣上古所不臣之國籍  
禹貢所不籍之地公之功業著見于天下炳如  
日星雖月氏殊俗蠻荆遠方莫不仰戴其威名  
觀其從事征討軍務控德宜其不暇留意于文  
字間然在篇傑句散落人間復如彼其多或吟  
咏其情性或寄意于玄机千彙萬狀會歸于正

皆肆筆而成若不用意為者人雖服其精敏意  
者何為而能然耶殊不知公善養其浩然之氣  
充于其中形于言動發于功業見于文章有不  
得不然者矣孔子曰有德者必有言其是之謂  
乎邇者中書省都事宗公仲亨更新此集募工  
鏤版過雲中同監納樊子通見屬為序微以為  
文章者公之餘事也公之德業天下共知之固  
不待文而顯也其文天下共傳之又奚待以序  
而彰哉雖然不為之辭者微東城一鄙人也幸  
齒于門下士之末若復獲挂名于文集中固所

願也于是乎書癸巳年十月晦日九山居士李  
從子微序



